

सोना रो घड़ोलियो ने,  
रूपा री ईडाणी ।

दोहा दिन बिता घडियां बीती,  
और बीत गया कई मास,  
अजमल घर थाली बाजी,  
धन धन अजमल रा भाग ।

सोना रो घड़ोलियो ने,  
रूपा री ईडाणी,  
डावडिया तो जल भरवा जाई रे,  
हे ऐ रमझम करती,  
हाले रे डावडिया,  
आई कुआ रे माई रे,  
ललेरे ललेरे बाईसा,  
उतारे घडोलियो,  
सररर डोर सरकाई रे ॥

अरे कणरे रे पकड़ी रे म्हारी,  
डोर डोलणीया,  
कुण रे कुआं रे माई रे,  
बाई रे सुगणा बायां,  
ऐडो परो केईजो,  
रतनो कुआं रे माई रे ॥

ललेरे ललेरे डावडिया,  
ऊपाडे घडोलियो,  
बाल्टी कुआं रे माई रे,  
ऐ हाथ रे जोड़े ने,  
बोले रे डावडिया,  
साम्भलो नी सुगणा बाई रे ॥

ऐ आपणे पीरे ती बाईसा,  
आयो रे रतनो,  
नोकियो कुआं रे माई रे,  
हाथ पग वाडियो,  
किदो रे सलोगींयो,  
रतनो कुआं रे माई रे ॥

ऐ झुठी रे डावडिया थे,  
झूठ मती बोलो,  
रतनो रणुजा माई रे,  
ऐ झुठ रे बोलु तो बाईसा,  
राम री दुहाई,  
रतनो कुआं रे माई रे ॥

ऐ गढ रे चढ़े ने बाईसा,  
हैलो परो मारियो,  
साम्भलो नी रोमा भाई रे,  
ऐ धुप रे धुपेडो बाईसा,  
लिदो परो हाथ में,  
महेलो रे झरोखे आई रे,  
ऐ वारि रे वारि ओ म्हारा,

निकलंग नेजाधारी,  
द्वारका री जोत सवाई रे,  
ऐ हरि रे चरणों भाटी,  
हरजी यु बोले,  
भल भल जोत सवाई रे ॥

सोना रो घडोलियो ने,  
रूपा री ईडाणी,  
डावडिया तो जल भरवा जाई रे,  
हे ऐ रमझम करती,  
हाले रे डावडिया,  
आई कुआ रे माई रे,  
ललेरे ललेरे बाईसा,  
उतारे घडोलियो,  
सररर डोर सरकाई रे ॥

गायक महेंद्र सिंह देवड़ा ।  
प्रेषक मोहन भाई राठोड़ ।  
जावाल सिरौही राजस्थान  
+919772431850

Source: <https://www.bharattemples.com/sona-ro-ghadoliyo-ne-rupa-ri-edani/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>